

المرض الثاني " الغفلة " | الجزء الثاني | اللقاء (40) |

#الأمراض_المهلكة | د. أحمد جلال

أحمد جلال

السلام عليكم ورحمة الله وبركاته اعوذ بالله السميع العليم من الشيطان الرجيم. بسم الله الرحمن الرحيم. الحمد لله رب العالمين. والصلاة والسلام على اشرف المرسلين سيدنا محمد وعلى اله وصحبه ومن تبعهم باحسان الى يوم الدين اما بعد. هذا هو اللقاء الثاني باذن الله تبارك وتعالى مع مرض الغفلة - [00:00:00](#)

وزي ما بدأت معكم الدرس اللي فات بموقف حصل معي حابب ان انا ابدأ برضو درس النهاردة بشهود مواقف كده عايزين نتخيلها مع بعض الموقف الاول تخيل معي مثلاً آ راجل سواق عربية نقل كبيرة - [00:00:38](#)

وماشي مثلاً على الطريق السريع مسلاً على مئة وعشرين ولا مئة وخمسين ولا مئة وثمانين وقرب خالص بقى من بنها مسلاً وجاي عايز يطلع الطلعة بتاعة آ الدائري بتاع القاهرة - [00:01:02](#)

فانتم عارفين طبيعي ان العربيات كلها قبل قبل الكوبري الدائري بتهدى شوية اللي عايز بقى يكمل يخش بنها. اللي عايز يطلع الدائري. فالعربيات كلها بتهدى مرة واحدة تخيل هذا الانسان نام وهو سايل عربية على سرعة مية وخمسين تريلاً ومرة واحدة آ وصل قبل - [00:01:22](#)

من مفترق الطرق بتاع بنها. العربيات اللي نازلة من على الدائري والعربيات اللي بتهدى عشان تطلع على الدائري من الجهة الثانية. والعربيات اللي داخله بنها متخيلين قدر الكارثة اللي ممكن تحصل هيكون شكلها ايه - [00:01:43](#)

طبعاً شيه يعني نسال الله سبحانه وتعالى السلامة والعافية ده لانه في لحظة من اللحظات غفل اصابته غفلة لما اصابته الغفلة للحظة واحدة اترتب على كده مشاكل كبيرة جداً تعالوا اضرب لكم مثال اخر - [00:01:57](#)

المسال ده عايز اقول لك قد ايه ممكن الغفلة تضر بالانسان وتضر اللي حواليتها الموقف ده فعلاً حصل هنا في المنصورة موقف حقيقي حصل في المنصورة كان في شاب عايز يبداً حياته متزوج وعنده اطفال. فالسلف من حد مبلغ من المال اشترى به عربية ربع نقل صغير وعليها صندوق - [00:02:20](#)

بدأ يوزع بضاعة وحاجات من كده وواقف تحت كوبري الجامعة في عربية برضه تريلة كبيرة برضه طالع بسرعة الكوبري برضه غفل في مرة واحدة بدل ما يكمل على الكوبري كده نزل من على الكوبري على العربيات اللي تحت - [00:02:42](#)

فكان منهم الاخ ده مات الله يرحمه رحمة واسعة. لان التريلة اول ما نزلت العربية بتاعته خلاص يعني نسال الله ان يرحمها رحمة واسعة قم الشخص اللي مات ده اصابها الجنون - [00:02:59](#)

واصبح في امرأة مرملة اترملت الان. رملت هذه المرأة. واولاد ايتام. واخو الراجل اللي مات ده كان هو الكفيل بتاعه او هو الضامن على الشيكات اللي كان يعني ماضي كضمان لاخوه على الشيكات بتاعة صاحب المال اللي اشترى به العربية - [00:03:15](#)

الولد ده اتحبس لانه ما كانش قادر يسد فاتحبس للحظة غفلة اصابت سواق في يوم من الايام عايز اقول لك مثلاً تخيل معي مشهد مثلاً مشهد ان دولة كبيرة في حرب مع دولة ثانية. دولة منهم عمالة تستعد للحرب - [00:03:35](#)

وتجهز للحرب عمالة تراقب كل صغيرة وكبيرة عند العدو بتاعها في الدولة الثانية. والدولة الثانية في غفلة تامة عن الحرب وبغفلة تامة عن عدوها. وفي غفلة تامة عن حدودها. ممكن ما بين عشية وضحاها للدولة الغافلة دي. ايه اللي ممكن يحصل لها - [00:03:56](#)

متخيلين ايه اللي ممكن يحصل تخيل معي في يوم من الايام دكتور بيعمل عملية حرجة جدا. يعني تخيل معي في يوم دكتور بيعمل عملية حرجة جدا لانسان اومال ايه دي مسلا في ضهره مسلا في العمود الفقري في القلب والراجل الطبيب ده وهو بيفتح ناحية القلب بس كده آآ - [00:04:16](#)

طفل كذا اصابته سنة من نوم غفل غفلة كده وهو بيفتح بالمشروط. انتم متخيلين ممكن ايه اللي يحصل اخر فيديو انا شففته من قيمة يومين تلاتة كده لمشهد برضه صعب. محطة توليد كهربا ضغط عالي. محطة توليد - [00:04:40](#)

كهربا ضغط عالي. والمشهد يمكن كتير منكم شافه. وآآ هم عندهم في المحطة دي عبارة عن برج حديد كبير كده متنقل على عجل عشان لما يكون فيه عطل في حاجة مسلا عالية او حاجة يزق يزقوا الكوبري بتاع الحديد ده زي السلك - [00:04:58](#)

الكبير ضخم حديد كده على شكل برج ويحطوه جنب البرج بتاع الكهرباء الضغط العالي ويصلحوه. ففي مشكلة في احد ابراج الضغط العالي رايجين علشان يصلحوها وتشوف منزر الاربعة وهم بيزقوا البرج الحديد ده اللي هو عامل زي السلم ده بيزقوه علشان يودوه ناحية هناك - [00:05:18](#)

واكيد كانوا قايلين لواحد بقى ايه اقل مسلا الكهربا او حاجة ولم يغلق غفل عن غلق الكهربا مسلا غفل للحظة دول بيزقوا البرج الحديد ده اللي هو عامل زي السلم ده اول ما لقط بس اول ما لمس بس سلوك الضغط العالي ربنا يا رب يعافيكم من المشهد اللي اي حد - [00:05:38](#)

ممكن نشوف لحظة زي دي الاربعة بيتحرقوا. يعني الاربعة بيتحرقوا في مشهد ضغط عالي بسبب غفلة يا اخواني اذا كان دايم الناس اللي في الاعمال الخطرة دي محتاجة دايم ان عينيهم تبقى في وسط راسهم علشان يحذروا من كل هذه الاخطار - [00:05:58](#)

فطالب الاخرة الحريص عليها ينبغي عليه ايضا الا يغفل الغفلة دي يا اخوانا مرض مهلك للانسان. مدمر لحياة الانسان. مدمر للدنيا ومدمر للاخرة. فما ينفعش ابد المسلم ينزل في قلبه حاجة اسمها غفلة. ولو نزلت في قلبه في يوم من الايام حاجة اسمها غفلة هو بيسعى دائما لاصلاحها. الله - [00:06:18](#)

سبحانه وتعالى ذكر ان خسائر الناس اللي مرضوا بسبب الغفلة خسائر يا اخواني لا من ورائها نفع ولا من ورائها يعني ما فيش ممكن يعني صعب ان الانسان يلحق يتدارك الامر ده بعد ما عقوبة الغفر نزلت - [00:06:47](#)

الله عز وجل يقول في كتابه واقترب الوعد الحق قيامة. فاذا هي شاخصة ابصار الذين كفروا يا ويلنا قد كنا في غفلة. قد كنا في غفلة من هذا. احنا كلنا كنا ناسيين غافلين ان في يوم - [00:07:03](#)

ان احنا نقف للحساب ونقف بين ايدين ربنا سبحانه وتعالى. وان ربنا يسألنا سبحانه وتعالى عن كل مكالمة تليفون في يوم من الايام عملناها احنا كنا في غفلة عن ده. احنا كنا في غفلة ان ربنا هيسألنا عن كل حركة بصابعي على آآ الشاشة التاتش بتاعة التليفون. احنا كنا - [00:07:23](#)

غفلة عن ده. احنا كنا في غفلة عن كل كلمة. ربنا سبحانه وتعالى بيسألنا عنها الان. كل كلمة كل حركة كل شعره بل كل ارادة وكل هم وكل يعني حركة الانسان عملها هم بيقولوا دلوقتي احنا كنا نادمين احنا احنا في الدنيا كنا - [00:07:43](#)

وفي الدنيا الان احنا في اشد الندم. ابن الجوزي رحمه الله ابن الجوزي رحمه الله كان بيتكلم عن عن حسرة هؤلاء الغافلين فبيقول يطول حزن الغافلين. عن ذكر رب العالمين - [00:08:03](#)

يا حزنهم يوم يرون فيه ثواب ذكر الذاكرين. تطول حسرتهم لما كانوا به عنه مشتغلين يتحسرون على فوات من فعال الطائعين. هذالك حال الغافلين قيل فكيف حال الخاملين؟ يا ويلهم من يومهم يجازي فيه رب العالمين - [00:08:27](#)

يا حسرة يلغون يومها في النار خزايا نادمين. اشد حسرة ان الانسان يوم ما يتحسر عدد غفلته اللي كانت موجودة في الدنيا وبعد كده يوقف في النار. وكان السبب في ده غفلة هو كان واقع فيها. ولقد غرأنا لجهنم كتير من الجن والانس - [00:08:57](#)

لهم قلوب لا يفقهون بها ولهم اعين لا يبصرون بها ولهم اذان لا يسمعون بها اولئك كالانعام بل هم اضل اولئك هم الغافلون. كانت مشكلتهم ان هم كانوا في غفلة. كان عايش في الدنيا كده. اكل العيش وبس. شغله - [00:09:22](#)

وبس حياته وبس انما اخره ما جتتش في يوم من الايام على دماغهم او في ذهنهم هم ابعد الناس عن الله في الدنيا وهم ابعد الناس عن الله عز وجل في الاخرة - [00:09:42](#)

وقلنا ان انواع الغفلة كثيرة قلنا ان اول نوع من انواع الغفل هو الغفل عن الاخرة اقترب للناس حسابهم وهم في غفلة قلنا في غفلة عن الموت لقد كنت في غفلة هه من هذا فكشفنا عنك غطاءك - [00:09:58](#)

وصلوك اليوم بحديد؟ وفي غفلة عن آيات الله سبحانه وتعالى اللي بتدور حولنا. الله عز وجل يعز اقوام ويذل اخرين يعاقب اقوام وتنزل عقوبات على اخرين يرفع اقوام ويضع اخرين. الله سبحانه وتعالى قال في شأن فرعون - [00:10:17](#)

يوم ننجيك ببدنك لتكون لمن خلفك اية وان كثيرا من الناس عن آياتنا لغافلون الغفلة عن الايات سواء كانت الايات اللي شفها بعيننا او الايات اللي بنقرأها في القرآن في غفلة عنها. مين انواع الغفلة ايضا؟ غفلة الانسان منا عن عدوه - [00:10:37](#)

ومخططات هذا العدو ودي يا اخواني معلى عايز اطول النفس فيها شوية او عوا تظنوا ان الاحتلال خرج من بيوتنا وخرج من بلادنا الاحتلال يا اخواني لا يزال قائم الاحتلال لا يزال قائم في بلاد المسلمين في صورة كاتب. او معد برامج او جريدة. او مقدم برامج -

[00:10:57](#)

الاحتلال لا يزال موجود في بلادنا التغريب اللي بيحصل الان في زماننا. ابعاد المسلم عن هويته في هذا الزمان. دي حرب قائمة. غافل يظن غافل يظن ان دي بسببنا احنا لا والله يا اخوانا في مخططات كبيرة جدا من حولنا تدعو لاجراج المسلم اصلا من - [00:11:26](#)

من كينونته كمسلم الى انسان اخر بلا هوية اصلا او عوا يا اخوانا تظنوا ان الخمر اللي اتشربت في شوارع المسلمين من قيمة يومين ولا امبارح ولا اول امبارح ان ده فعل - [00:11:51](#)

مسلمين لأ ده ده جاي مكون من امرين. الامر الاول شدة الكيد من اعداء المسلمين بالمسلمين. الامر الثاني غفلة المسلمين عن هذه المخططات او عوا تظنوا في يوم من الايام من انتشار التبرج وكشف الشعر للبنات في شوارع المسلمين ده جه كده. لا والله -

[00:12:07](#)

ده حرب مدروسة دراسة متأنية. ازاى يخرجوا البنت من حجابها وعفتها وحيائها الى هذه الصورة التي نراها نحن الان يا اخوانا او عوا تظنوا اللي حصل في السودان واللي بيحاك للعراق ولليمن ولسوريا وللمصر - [00:12:27](#)

كل بلاد المسلمين من تفتيت العالم العربي او عوا تظنوا ان ده لا والله ده سنوات من الجهد والتفكير من اعداء الامة ازاى يدمروا الامة دي عايزين يفتتوا. والله يا اخوانا من عشرين سنة قرأت هذا الكتاب. تفتيت السودان الى دولتين. وبعد ما تفتت السودان -

[00:12:47](#)

دولتين تفتت الدولة المسلمة اللي هي السودان حاليا. وتفتيت اليمن للتلات دول. وتفتيت العراق لتلات دول. دولة فلل الشيعة ودولة للسنة ودولة للاقراض. وتفتيت لبنان لخمس دول. وتفتيت مصر لدولة مسلمة في الشمال. ودولة مسيحية في - [00:13:07](#)

في الجنوب ولدولة ثانية في سينا والدولة رابعة خالص ناحية بقى مطروح والحتت دي. ده بيحاكي الان لبلاد المسلمين والمسلمين للاسف في غفلة ومش عارفين حاجة. الا من رحم ربي عز وجل. يوم ما خرجوا من بلاد المسلمين وقالوا احنا لازم ندمر بلاد المسلمين

[00:13:27](#) -

كانوا وهم خارجين من بلادنا عارفين كويس جدا. هيعملوا ايه بعد الخروج؟ هم وهم خارجين قالوا لن نفلح في ابعاد هذه الامة فعن دينها الا باربعة اشياء. يوم ما الامة تبعد عنهم خلاص الام بقت في ايدينا. يوم ما بنضيع هيبة يوم الجمعة من قلوب المسلمين -

[00:13:47](#)

ونضيع هيبة الكعبة من من بلاد المسلمين. ونضيع قيمة القرآن ونضيع قيمة الحجاب في بلاد المسلمين. هم وهم خارجين قالوا ان كنا قد خرجنا باجسادنا فسندد اليكم اقوام ليغطون القرآن بحجاب المرأة المسلمة. احنا اه هنخرج بس - [00:14:07](#)

فنخلي وسطكم ناس. الناس دي تسعى دائما الى ان هي تنزع حجاب المرأة المسلمة علشان تغطي به القرآن. هم وهم خارجين قالوا كأس اخوانية يفعلان في امة محمد ما لا يفعله الف مدفع. الاحتلال ما خرجش من بيوتنا ولا خرج من بلادنا. الاحتلال حريص انه -

تدمر هذه البلاد ويدمر اهل هذه البلاد. لازم نكون فاهمين ان اذا كانوا هم يعلموا موطن قوتنا فين؟ فاحنا لازم نتمسك قوتنا. لازم نتمسك بكتاب ربنا سبحانه وتعالى. ولما نتمسك بيوم الجمعة ولما نتمسك بهذه الايام المباركة زي رمضان وغيرها من - [00:14:47](#) الطاعات والعبادات. لازم نزيد يا اخوانا اللي بيحصل في بلاد المسلمين حرب قائمة. ان تقام حفل يشرب فيها الخمر ويغني فيها ويفعل فيها الموبقات قرب مدينة محمد صلى الله عليه وسلم قرب المدينة النبوية يا اخوانا ده مش كده لا - [00:15:07](#) والله لا والله اخذوا ابناء المسلمين اخذوا اولاد المسلمين. ما حدش في يوم من الايام فكر ليه اوروبا كلها بتقول العشرة اوائل اللي طالعين اوائل على الثانوية ليه اوروبا كلها بتبقى عايزة تاخذ الناس دي؟ دول شباب عندهم حفز وعندهم فهم وعندهم قدرة على الاستيعاب - [00:15:27](#)

تاخذهم زي ما حصل مع ابناء الملوك وابناء الامراء في الخليج خدوهم برة. غربوهم وعلموهم على الحياة المليانة بالانحلال قال والبعد مليانة شهوات ومسكرات وفواحش والعياذ بالله. وبعد كده دور هؤلاء لما يرجعوا لبلاد المسلمين هو كان - [00:15:47](#) دور المحتل بالزبط ازاى بقى يفسد في بلاد المسلمين؟ فمممكن تلاقي في بعض الاوقات شباب فسدة. الشباب دول يغيروا شأن امة كاملة يغيروا شأن امة كاملة. ليه؟ لان الامة دي كانت في غفلة. الامة دي كانت في غفلة عن مخططات عدوها. الام دي كانت -

00:16:07

في غفلة عن المكائد اللي بتحاك لها ليل نهار. يا اخوانا احنا في حالة حرب. الكلام ده انا شفته في غينيا شفتم في غينيا لا يزال اخواننا المسلمين هناك في غينيا في افريقيا كل ما تقابل حد نلاقي ما شاء الله همة في الدعوة همة في تحفيظ القرآن - [00:16:27](#) همة لربط الناس بالدين فكنت دايمًا اتعجب يعني احد الناس اللي احنا يعني قابلتهم هناك آآ واحد اسمه الشيخ سلمان الشيخ سلمان ده عنده كم دور تحفيظ القرآن؟ ما شاء الله لا قوة الا بالله. ممكن بين الضوء الدار والدار ميت كيلو. ميت كيلو بالعربية - [00:16:47](#) ومع ذلك الهمة لمتابعة كل ده. ولما تسألهم جبتهم الهمة دي منين؟ يقولوا لك يا شيخ احنا في قطر. فرنسا لما نزلت احتلت غينيا اول حاجة انت عملتها لغت اللغة العربية من حياة المسلمين. من حياتنا. فرنسا اول ما نزلت دبحت علمائنا - [00:17:05](#) فرنسا اول ما نزلت احييت بقى العصبية بين القبائل الثلاثة الكبيرة اللي موجودة في غينيا. قبيلة السوسو والموندينكا والقبيلة الثالثة احييت العصبية بينا. فاحنا في حالة حرب يا شيخ اه فرنسا خرجت سنة ستين. بس احنا في حالة حرب لسه يا شيخ - [00:17:25](#) عايزين نرد المسلمين ثاني لدينهم. عايزين نقرب المسلمين ثاني من ربنا. سبحانه وتعالى. نفسي اشوف شبابنا في مصر شايلين الهم ايه ده؟ نفسي اشوف شبابنا في مصر شايلين الهم ده. شايلين هم ازاى يوقنوا الناس من رهبة الغفلة عن مخططات الاعداء -

00:17:45

خطبة الجمعة القادمة ان شاء الله اسمها التغريب اسمها التغريب. يعني ايه تغريب؟ وايه عناصر التغريب؟ واللي نزلوا بلاد المسلمين علشان يغربوا المسلمين؟ وسائلهم ايه؟ ونقف قدام التغريب ده ازاى - [00:18:05](#) انا نفسي افهم ايه اللي حصل بعد ما كان الكلام ده يا اخواننا من خمسة وعشرين ثلاثين سنة كنا لو شفنا ممسل بيبوس ممسلة كان كل اللي قاعد بيستخبي تحت الكنبه - [00:18:20](#)

ايه اللي حصل وايه اللي ادى لاستمراء الناس لرؤية العري والفواحش في التليفزيونات بهذه الصورة التغريبية ايه اللي حصل في اخلاق المسلمين زمان الغرب كان بيمجد في اخلاق المسلمين في بر الوالدين صلة الارحام والمحبة والمودة بينهم. ايه اللي حصل؟ تغريب - [00:18:35](#)

فمن اشد انواع الغفلة الغفلة عن هذه المخططات. اللي بتحاك للمسلمين ليل نهار. اوعى تظن اللي بيدور هنا او بيدور هنا في دولة من بلاد المسلمين بيدور بشأن عشوائي. لا والله يا اخوانا. لا والله يا اخوانا. بل زي ما قلت لكم وهفضل اقولها لكم طول عمري -

00:18:58

اخوانا احنا اللي عندنا غفلة. اعدائنا بيكيدوا ويمكروا بنا مكر ما بعده مكر. وان من اشد انواع الغفلات اللي ممكن تصيب الانسان هي

غفلة الانسان عن مكائد عدوه الاصل الشيطان - 00:19:18

تخيل معي النهاردة شاب يعلم يقينا ان له عدو اسمه شيطان. هو لا يغفل ابدا عن مكائده. وعن المخططات اللي بيعملها لنا دائما. الشيطان ده يا اخوانا لا يكل ولا يمل ابدا. لاضالنا وابعدنا عن ربنا. والله بيبدأ حربته معنا من اول لحظة. بنزل فيها للدنيا - 00:19:37
قال النبي صلى الله عليه وسلم ما من مولود من بني ادم الا ويخرج مستهلا فينغزه الشيطان في جنبه. الا عيسى ابن مريم ما من مولود الا ويستهل صارخا. فالصحابه ببسألوا طب يا رسول الله المولود اول ما بيتولد بيعيط بالعياط ده ليه؟ قال من وغز الشيطان في جنبه - 00:19:57

فابو بالشلوت في جنبه بيقول له من النهاردة عدو لك ما حبيت لما يكون لي عجوز والشيطان لا يفارقني ابدا حتى وانا بموت. حتى وانا بموت. كان النبي صلى الله عليه وسلم يقول في دعائه اللهم اني - 00:20:21
اعوذ بك من ان يتخبطني الشيطان عند الموت. الشيطان بيجي لك عند الموت ويحاول يلخبطك يشغلك عن ربنا عز وجل بل النبي صلى الله عليه وسلم اخبرنا ان من كيده ان ممكن يعمل مصائب جوة البيت. واحنا مش واخدين بالنا. كان النبي يقول اذا نمت فاطفئوا سرجكم - 00:20:36

اطفئوا الانوار. الانوار كلها بتتطفى يا اخوانا. لو فيه نار على البوتاجاز تطفى. ما فيش حاجة اسمها اخش اغفل شوية واسيب حاجة عن النار. لا اطفى النار الاول. خدوا بالكم - 00:20:56

لحد ما الصحابة برضه عايزين يفهموا ايه الحكمة. احنا عايزين ندف في البرد فالنبي صلى الله عليه وسلم جلس ذات يوم على حصيرة له او قد سراجا عنده فاتت الفأرة فاخذت بالفئيل اللي والعة نار والفقرة جرت على النبي صلى الله عليه وسلم من فوق كده لحد ما جت فوق النبي صلى الله عليه وسلم والقت الفتحة - 00:21:09
قيل فاحرقت من الحصيرة موطن موضع الدرهم فاطفأها النبي صلى الله عليه وسلم ثم قال صلى الله عليه وسلم ان الشيطان ليدل هذه اى الفأرة على هذه اى الفتيلة حتى حتى تحرق عليكم ببوتكم - 00:21:31

عداوة الشيطان لنا قديمة هو لن يتركك ابدا ثم لاتينهم من بين ايديهم ومن خلفهم. وعن ايمانهم وعن شمائلهم. ولا تجد اكثرهم شاكرين. انا مش هسيب حد فيهم. لا في وقت الطاعة هسيبه ولا في - 00:21:49
في وقت معصية اسيبه. ولا هو بيسعى في الدنيا هسيبه. ولا هو بيسعى في الاخرة هسيبه. انا معه. مش هسيبه خالص لحد ما تكون في النهاية لا تجد منهم انسانا مؤمنا - 00:22:06

الشيطان ده اللي بيصوت يوم ما بيشفوك بتسجد لله عز وجل. اذا قرأ النبي بيقول كده في صحيح مسلم. اذا قرأ ابن ادم السجدة اعتزل الشيطان يبكي يقول قولوا يا ويلي يا ويلي - 00:22:18
والنبي يقول ما رؤي الشيطان اصغر ولا احقر ولا ادحر ولا اذل من يوم كيوم عرفة. عارفين ليه لما يرى من تنزل الرحمات من الله على المؤمنين. رحمات عمالة تنزل في يوم عرفة فدا عمال يلطم ويصوت - 00:22:31

لازم نكون عندنا وعي لمخططات هذا الرجل. تخيل معي انسان شاب الان واعى كويس جدا للمخططات بتاعة الشيطان. وشاب تاني لا يعرف خالص ما يعرفش يتعامل مع الشيطان ازاي الاتنين وقعوا في كبيره - 00:22:47
الاتنين وقعوا في كبيهرهم اللي ما يعرفش كيد الشيطان عايز يتوب فالشيطان بيجي يقول له تتوب تتوب من ايه ده انت بوزت الدنيا. بقول لك ايه هي كده كده متنيلة فانت ايه؟ كمل في الكبيرة بتاعتك بقى خلاص - 00:23:01

فيكمل معهم توقعوا الان في يأس وقنوط من رحمة الله ودي كبيرة ثم بعد ذلك الشيطان عمل ايه؟ حبيبي معلش ازيك يا يحيى. ثم بعد ذلك الشيطان عمل ايه؟ الشيطان خلاه يكمل في المعصية. تعال شف الانسان التاني بقى اللي بصير وعنده ما عندوش غفلة من كيد الشيطان - 00:23:19

اول ما الشيطان بيجي يقول له انت بوزتوا الدنيا الدنيا كده خربت؟ لا ربنا سبحانه وتعالى بيقول في القرآن والذين لا يدعون مع الله الها اخر ولا يقتلون النفس التي حرم الله - 00:23:40

اللي بالحق ولا يزنون ومع ذلك ربنا سبحانه وتعالى فتح لهم الباب بل ويبدل الله سيئاتهم حسنات اللي انت عملته ده غلط لا لا ربنا سبحانه وتعالى يقول قل يا عبادي الذين اسرفوا على انفسهم لا تقنطوا من رحمة الله - [00:23:50](#)

اللي انت عملته ده كبيرة من الكبائر. انا لن انظر للذنوب ولكن سانظر الى عظيم كرم الله وعظيم مغفرة الله عز وجل. وسعة رحمة الله الذي قال ورحمته كل شيء - [00:24:05](#)

فتلاقيه قام واجتهد في التوبة واجتهد في ركعتين توبة وصلى بين ايدين ربنا واستغفر وندم وعمل اعمال سالحة واجتهد. مين فيهم بيكمل في يوم بيكمل. في طريقه لربنا عز وجل. رغم ان الاثنين كانوا عايزين يتوبوا. اللي عنده علم وخبرة. ما عندوش غفلة في مكائد الشيطان - [00:24:16](#)

عشان كده يا اخواننا باقول لكم دايم اوعى يكون في يوم من الايام يكون عندك غفلة بكيد عدوك لك. اجتهد انك تكون فاهم وواعي كويس جدا عدوك هيتلعب معك ازاى؟ فيه كتاب جميل رائع اسمه وتستمر المعركة. ده بيوضح لنا كل اغلب مكائد الشيطان. وتستمر المعركة - [00:24:37](#)

دكتور خالد ابو شادي يا ريت الكل النهاردة يجيبه. يعني يا ريت الكل النهاردة يجيبه. الكتاب ده من الكتب المهمة جدا انه يتوضح لك مكائد الشيطان وهيلعب معك ازاى؟ عشان تبقى عارف - [00:24:57](#)

هتلعب معه ازاى؟ ومن انواع الغفلات يا اخواني الغفلات المدمرة للانسان غفلة الانسان منا عن جوارحه غفلة الانسان منا ها عن جوارحه بصوا يا اخواننا الحرامي في يوم من الايام لما يكون عايز يخش البيت عندك بيدور على ايه - [00:25:07](#)

على باب مفتوح على الشباك مفتوح. على الشباك من جهة المنور كده. هو بيدور دايم على الحاجات اللي زي كده. صح كذلك ايضا مداخل الشيطان دايم على الانسان. الجوارح بتاعة الانسان - [00:25:28](#)

فاوعى في يوم من الايام تغفل مسلا عن لسانك. وتدي له الفرصة انه يتكلم في كل حاجة. او تغفل في يوم من الايام عن عينك. لان ممكن الاثنين دول يودوا الانسان في مشاكل كبيرة جدا. لذا كان الامام المحاسبي رحمه الله امام الدنيا في التربية. كان رحمه الله يقول - [00:25:45](#)

وان من اعظم الغفلات التي تصيب العبد غفلة الانسان عن جوارحه الانسان منا يكون غافل عن جوارحه فالانسان لو بقى غافل عن جوارحه بقى سهل الشيطان خالص بقى ان يخش يتمكن من الانسان. وده اللي كان آآ المحاسبي ايضا بيأكد عليه فيقول فوالله لا يقدر - [00:26:05](#)

الشيطان على العبد الا من جهة غفلته عن جوارحه اول ما يبدأ الانسان منا يغفل كده تلاقيك قاعد في قعدة وانت قاعد بقى صحابك بدأوا يتكلموا فبدأوا يتكلموا بكلام سيء شوية فانت بحكم قعدتك - [00:26:25](#)

استمرايك للقعدة لقيت لسانك بدأ يتجر معه وفي كلام انت ما كنتش بتكلمه اصلا فبقى من السهل ان الشيطان يدخل عليك بقى من المدخل ده بدأ سهل جدا ان الشيطان يدخل عليك من المدخل ده. زمان كنا لما بنقف مع مع ناس محترمة على خلق ودين بنقف مسلا في المسجد نقف معهم مسلا قدام المسجد - [00:26:40](#)

لأ دلوقتي زمايلي شدوا رجلي كده وودوني فين؟ وودوني فين؟ وودوني النادي فعيني بقت لا تسقط والعياذ بالله الا على كل ذنب وعلى كل معصية. نسال الله سبحانه - [00:27:00](#)

السلامة روحوا يا اخوانا تغفلوا. ومن اعظم انواع الغفلات اللي هختمها بموقف بسيط كده هو من اعظم انواع الغفلات اللي ممكن تصيب الانسان غفلة الانسان منا عن ذكره لربي عز وجل انك تغفل عن ذكرك لله عز وجل - [00:27:10](#)

اخ من اخوانا عنده مشكلة كبيرة جدا. مشكلة كبيرة جدا بينه وبين زوجته. وانا شكيت في الامر ان الامر ده فيه سحر فيه جن. فيه عند الاثنين. وسبحان الله لما جنبنا حد راقى ما شاء الله متين للاخ ده. فهو بيقرأ عليه. الاخ طلع والعياذ بالله ان هو عليه - [00:27:28](#)

من الجن نسال الله له العافية ولزوجه العافية واسأل الله ان يجمع بينهما في خير ان كان في هذا الخير فالاخ وهو بيرقي الشيطان بيتكلم فيقول احنا مش قادرين نعمل معه حاجة ده كل اما يتكلم يقول بسم الله - [00:27:48](#)

كل اما يتكلم يقول ايه؟ بسم الله. فهو حتى بنص الكلام ده كده. ده هو كنزنا كده مش عارفين نتحرك بسبب ان كل شوية يقول بسم الله بسم الله لما ياكل بسم الله لما يلبس بسم الله وهو خارج. بسم الله في الشارع. بسم الله في المسجد. بسم الله بس كده. الجن ده مش قادر يعمل معه حاجة. فالمشكلة من الجهة الثانية - [00:28:07](#)

المشكلة مش من هنا. هنا احنا مكنوزين بسبب اللي بيعمله. انما الجهة الثانية خلاص. فقلت سبحان الملك سبحان الملك! يعني انا من بعدها ما فيش عمل باعمله وباقول بسم الله. لاول مرة فعلا استشعر قيمة كلمة بسم الله. لما جات لنا من عند الشيطان - [00:28:27](#) مجرم ده مع ان سبحان الله النبي قال لنا الكلام ده كتير. بس احنا ما كناش واخدين بالناس من كده سبحان الله! ومن يعيش عن ذكر الرحمن ها نقيض له شيطاننا فهو له قرين. وانهم ليصدونهم عن - [00:28:47](#)

عن السبيل يبقى اذا ده كله جه منين؟ بسبب غفلة الانسان منا عن ذكر الله سبحانه وتعالى. طول ما الانسان منا حريص على ذكره لربه سبحانه وتعالى طول ما الشيطان بفضل الله - [00:29:03](#) فبعيد والانسان دايمًا بفضل الله حاضر وواعي وفاهم بفضل الله اللهم لك الحمد. دي صور الغفلات وعقوبات الغفلات. ازاي نعالج ازاي الانسان منا يخرج من مرض الغفلة؟ ازاي انا اكون فايق - [00:29:16](#)

اول حاجة يا اخواني عايز اقول لك كلمة جميلة جدا للامام القرطبي رحمه الله القرطبي رحمه الله كان بيقول والغفلة داء اقتل من السم الكلمة طالعة عاملة ازاي الغفلة دي ده مرض اكثر من الياه؟ من السم - [00:29:32](#) وشعورها اكثر من النمل الشر اللي يترتب على الغفلة شر ما بعده شغل وكان ابن الجوزي رحمه الله يقول لا شيء اضر على العبد من امرين لا شيء اضر على العبد من امرين - [00:29:58](#)

غفلة عن ذكر الله ومخالفة لامر الله. دول اكثر حاجتين يضروا الانسان وكان المحاسبي يقول الغفلة اصل لكل شر. الغفلة ايه؟ ها اصل لكل شر. تعالوا بقى انا افهمكم ازاي الغفلة اصل - [00:30:19](#) اخ من اخوانا ان شاء الله لا قوة الا بالله حد محترم جدا على دين جدا على خلق جدا. يمكن لو فيه درس تلاقية اول واحد قاعد ان هو مكان عثمان - [00:30:37](#)

اول واحد حلقات تحفيظ القرآن حاجة ما شاء الله الله اكبر عليه. في حفظ القرآن الله اكبر الله اكبر عليه. جا له شغل في القاهرة ربنا يفتح بين ايديك وانا ان شاء الله معكم اربع وخميس وجمعة نجتهد في الطاعة وفي اعمال الخير. احنا مع بعض ان شاء الله - [00:30:48](#)

والله يا اخوانا كان يضرب بهذا المثل يضرب بهذا الاخ المثل في نداء من مثال حد من مستوى مادي راقى جدا جدا. وقد ايه ان المستوى المادي الراقي ده لم يؤثر - [00:31:08](#) في هذا الانسان وان اختاروا اختار التدين على حياة الرفاهية والطرف اللي كان فيها. سافر القاهرة ولانه ما شاء الله كان ناجح جدا في دنيته. ناجح جدا في مجال شغله. بدأ ينتقل من شركة لشركة ومن شركة لشركة. وكانت كل الترقية من دول ترقية لشركة - [00:31:23](#)

اكبر فمهمة اكبر واوقات بتضيع اكثر ومسؤوليات بتتحت على كتفه اكثر واكثر واكثر فكانت النتيجة بدأت كده. هو الان في الموقع فما ينفعش يسبب الموقع فعدت صلاة الظهر والعصر بس اصليهم مع بعض والشيخ قال لنا ممكن نجمع بين الظهر والعصر - [00:31:42](#)

بعد شوية رجع من الشغل خلاص قرب العشاء. طب انا هريح شوية ما هو لسه ربع ساعة على العشاء واقوم اصلي. فراح عليه مغرب وعشاء طب انا عندي شغل الصبح مش هقدر اقوم اصلي الفجر. فنام عن الفجر. فبدأت الصلوات تروح. طب وورد القرآن؟ بدأ يروح - [00:32:09](#)

والاشغال والاعمال بدأت تزيد. طب حضور الدرس فين؟ ما عدش فيه درس؟ طب سماع القرآن ما عادش طب بس اكيد انت لسة موازب على مجموعة القرآن اللي كانت معك هناك في القاهرة. لا والله احنا ما عدناش بنشوف بعض. الله! سبحان الملك! ايه اللي

00:32:28 - اتبقى لك من التزامك -

دينك ما عادش اللحية وقد اللحية ما عدش حاجة. ما هي الدنيا دخلت بقوتها. انا لا انكر ابدأ يا اخواني بل انا دايمًا بقول لكم لازم

00:32:48 - نكون ناجحين دنيا ودين -

ودايمًا باقول لكم هذا الكلام. ولكن انا باتكلم الان على الصنف اللي بيخلي الدنيا تطفى على كل خير في قلبه انا بتكلم على الانسان

اللي لما ربنا فتح عليه نساها. انا بتكلم الان على الانسان اللي لما ربنا سبحانه وتعالى اعطاه - 00:33:03

00:33:23 - ووسع عليه من فضله نسي دينه -